

Američki univerzitet u Tuzli tvrdi

Konkurs je namješten

Denis Prčić i advokat Faik Muhić, optužili su vlast Općine Tuzla da je nezakonito poništila konkurs za dodjelu zemljišta

Američki univerzitet – sa najvećom finansijskom ponudom – pobjednik je konkursa za plac u centru grada, ali je isti poništen, jer je „favorizirana“ firma dala manju ponudu, utvrdili su jučer Denis Prčić i Faik Muhić. Konkurs je, inače zvanično poništen zato što prijavljeni nisu dostavili odgovarajuću referenc-listu.

Prčić, predsjednik Upravnog odbora Američkog univerziteta, rekao je kako je Grad više puta iskazao interes da pomogne ovoj ustanovi, čak je pomoć obećavana i američkim ambasadorima, ali to nije realizirano. Faik

Muhić, advokat, papirima je argumentirao da je Američki univerzitet za zemljište ponudio 550.000, a Tehnološki park Tuzla d.o.o. 410.000 maraka. On je opširno elaborirao cijeli slučaj, otvarajući pitanje ko je i kada promijenio načelnu urbanističku saglasnost, te gdje je to objavljeno. S obzirom na da je Općina dala mogućnost da firma Tehnološki park u nazivu nosi ime i Tuzla, Muhić je tu firmu nazvao općinskom.

„Tehnološki park Tuzla d.o.o. je registriran za djelatnosti od proizvodnje mineralne vode, do poboljšanja fizičkog stanja i raspo-



Prčić i Muhić na pres-konferenciji u Tuzli

Imamovićev demant

„Komisija koja razmatra ponude je organ Općinskog vijeća, neovisna od načelnika. Nelogična je i netačna optužba da je konkurs namješten, jer su prijave oba subjekta odbačene. Denis Prčić je prije par dana prijetio da će primijeniti medijski i drugi pritisak, prije nego što njihov prigovor stigne u Općinsko vijeće: on je ostvario svoju prijetnju. Ja ću stati iza neovisnosti Komisije i vijećnika“, rekao nam je načelnik Tuzle Jasmin Imamović.

loženja, sa kapitalom od 2.000 maraka. U nomenklaturi BiH ne postoji djelatnost tehnološki park. To je izmišljen termin, da bi se moglo manipulirati, što je

bilo u ovom slučaju“, rekao je Faik Muhić. Američki univerzitet se zbog poništavanja konkursa žalio Općinskom vijeću Tuzla.

V. JAHIĆ

Oslobodjenje, 20.11.